

20. august 2015

UKA2015/152

Ilanngussag 1

JUSTITS MINISTERIET

Politi- og Strafferetsafdelingen

Dato: 11. august 2015  
Kontor: Strafferetskontoret  
Sagsbeh: Morten E. G. Jørgensen  
Sagsnr.: 2014-730-0458  
Dok.: 1668131

**Atomip nukinganik qunusiarinninnikkut anguniagaqarnerup akiorneqarnissaa pillugu nunat tamalaani isumaqatigiissut 13. april 2005-imeersup eqikkarnera**

**1. Aallarniut**

Atomip nukinganik qunusiarinninnikkut anguniagaqarnerup akiorneqarnissaa pillugu nunat tamalaani isumaqatigiissut 13. april 2005-imeersoq nangaanartoqartillugu Danmarkip 14. september 2005-imi akuersissuteqarfigaa.

Danmarkimit FN-imi isumaqatigiissummik akuerinnissinnaalertitsinissamik inatsisitigut allannguutit pisariaqartut inatsit nr. 542, 8. juni 2006-imeersukkut (qunusiarinninnikkut anguniagaqarnermut inatsisit II) akuersissutigineqarput.

20. marts 2007-imi Kalaallit Nunaannut Savalimmiunullu naalagaaffiusunut nangaanartoqartikkallartitamik isumaqatigiissut Danmarkimit akuersissutigineqarpoq.

**2. Isumaqatigiissut**

**2.1. Siunertaa**

Atomip nukinganik qunusiarinninnikkut anguniagaqarnerup pinaveersaarnissaanut, taamatullu iliuseqartutut pisuusunik eqqartuussissutigoortitsinissamat sunniuteqarluartunik tigussaasunillu iliuserisassat akuersissutiginnissaat siunertaralugit naalagaaffiit akornanni nunat tamalaani suleqatigiinnerup nukittorsarnissaanik isumaqatigiissut siunertaqarpoq.

Taamaalilluni toqutsinissamik, perulunnartumik inunnik ajoqusiinissamik imaluunniit annertuumik pigisanik imaluunniit avatangiisinik ajoqusiinissamik siunertaqarluni atortussianik radioaktiviusunik inertequtaasumik

UKA2015/152

ISBN - Suliap nr. 2015 - 6374

Slotsholmsgade 10  
1216 København K.

Telefon 7226 8400  
Telefax 3393 3510

www.justitsministeriet.dk  
jm@jm.dk

pigisaqarnissap atuinnissallu ingammik pinerluttuussutaatitsinissamut tunngatillugu naalagaaffinnut peqataasunut pisussaaffinnik arlalinnik isumaqatigiissut ilaatigut imaqarpoq.

## **2.2. Atomip nukinganik qunusiarinninnikkut anguniagaqarnerup pinerluttuussutaanera**

Qitiusutut pinerluttuussutaatitsinermut pisussaaffiit artikel 2-mi 5-imilu takuneqarsinnaapput. Taamaalillutik pisussaaffinggisamik siunertaqartumillu atortussianik radioaktivusunik pigisaqarnermik, aammalu siunertaralugu toqutsinissamik imaluunniit perulunnartumik inunnik ajoqusiinissamik, imaluunniit annertuumik pigisanik imaluunniit avatangiisinik ajoqusiinissamik atortuummik pigisaqarnissamik pinerluttuussutaatitsinissaminut naalagaaffiit pisussaaffeqarput.

Toqutsinissamik imaluunniit perulunnartumik inunnik ajoqusiinissamik, imaluunniit annertuumik pigisanik imaluunniit avatangiisinik ajoqusiinissamik, imaluunniit iliuuseqartitsiniarluni imaluunniit iliuusissap iliuuserinissaanik pinaveersinniarnernanik timalittut imaluunniit inatsisitigut inuttut naatsorsuussaq, nunat tamalaani kattuffik imaluunniit naalagaaffik pinngitsaaliniarlugit siunertaqartumik atortussianik radioaktivusunik imaluunniit atortuummik sutigulluunniit atuinerup imaluunniit atomimik nukissiornermik ingerlatsivimmik atuinerup imaluunniit ajoqusiinerup pisussaataaaffiginagu siunertaqartumillu pineqaatissiisutigitinnissaanut naalagaaffiit peqataasut aamma pisussaaffilertitaapput.

## **2.3. Inatsisit atortinneqarfiat, eqqartuussisutigoortitsineq tunniusserlu**

Tamakku saniatigut atomip nukinganik qunusiarinninnikkut anguniagaqarneq pillugu suliani inatsisitigut oqartussaasoqarfik (inatsisit atortinneqarfiat), tunniussineq aamma eqqartuussisutigoortitsineq qularnaarniarlugit naalagaaffiit pisussaaffii pillugit isumaqatigiissut arlalinnik aalajangersakkanik imaqarpoq, ilanngullugu misissuinermut, eqqartuussisutigoortitsinermut tunniussinermullu atatillugu illugiilluni ikioqatigiinnissaq pillugu.

Tunniussinermut imaluunniit illugiilluni eqqartuussissusilerinermi ikioqatigiinnermut atatillugu isumaqatigiissummi ilaasutut pinerluttuliornerit arlaannaalluunniit politikikkut pinerluttuliornerit isigineqassangitsut isumaqatigiissummi artikel 15-ip aalajangersaavigaa, taamaattumillu

tunniussinissaq imaluunniit eqqartuussissusilerinermi ikioqatigiinneq pil-  
lugit piunasaqarnerit pinerluttulerinerup politikkimut tunngasuuneranik  
naalagaaffiup qinnuiginnittup isiginninnera tunngaviliissutiginnarlugu iti-  
gartitsissutigineqarsinnaanani.